



# Navidadmunda

Dioska ñukuchida  
k'uyashkamunda paibuj  
churidami kachaga.

## Jesús huacharishkamunda

*Lucas 2:1-7*

<sup>1</sup> Chi p'unllagunami, Roma llaktada jatun mandaj Awgusto Cesarga tuki pai mandashka kawsajkunada paigunaj shutida apuntachichun manduga. <sup>2</sup> Kai kallari censobiga Cireniami Siria llaktada mandaguki rurariga. <sup>3</sup> Tukigunami ñawba taitaguna kawsashka llaktabi paigunaj shutigunada apuntachingu rinaga.

<sup>4</sup> Jozish Galileabi tiyaj Nazaret pueblo-munda, Davidbuj familia gasha, Rey David huacharishka Judea llaktabi tiyaj Belén pweblomu riga. <sup>5</sup> Paibuj warmi gana Mariandijmi shutida apuntachingujka chi pweblomu riga. Mariaga ikxa charijmiga. <sup>6</sup> Paiguna Belenbi gaki, María mirana p'unlla p'aktuga. <sup>7</sup> Pozada wasi na p'aktushkamundami paibuj legítimo churidaga wagraguna shayana ukubi miruga. Maradaga maitusha wagra mikuna kajonbimi sirichiga.

## Ángel michijkunamu parlashkamunda

*Lucas 2:8-20*

<sup>8</sup> Belén kuchubimi michijkunaga ovejagunada chapusha pakariguga. <sup>9</sup> Shina chapaguki, Mandujbuj ángel ricurisha Mandujbuj jatun k'willa gashkaga muyundijta p'unlla laya p'alaniki meyor mancharigaguna. <sup>10</sup> Angelga kashna niga, "¡Ama mancharichichu! Ñukaga tukigunada manchanaidi kushiyachina alli shimigunadami kangunamu parlungu shamuni. <sup>11</sup> Kununmi Rey Davidbuj pweblobi kangunada Kishpichij wacharishka. Paiga Dios agllasha kachashka Mandaj Kristomi gan. <sup>12</sup> Paidaga wagra mikuna kajonbi maitushka sirijtami rikunguichi. Chi marada rikushaga pai gashkada yachanguichi."

<sup>13</sup> Shina niguki, ashtan tawga angelguna ñash rikurisha, chi angelgun Diosta alabasha kashna nigaguna,

<sup>14</sup> "Jahua pachabi gaj Diostaga, 'Kanga alli k'willadimi gangui,' nichun. Kai pachabi kausajkunash Dios k'uyashkaguna gashkamunda alli kawsida charisha tukin apanukuchun."

<sup>15</sup> Angelguna jawa pachamu vuelta-shka k'ipaga, michijkuna kaishuj chaishuj, "Ima tukushkada Mandaj par-lashkada rikungu, Belenmu jakuchi," ninukugaguna.

<sup>16</sup> Ut'ka rishaga Jozida Mariadash ma-ra wagra mikuna kajonbi sirijta japiga-guna. <sup>17</sup> Marada rikushaga, ángel mara-munda imada nishkada parlagaguna. <sup>18</sup> Michijkuna parlashkada uyashaga, tukigunami mancharisha kushiyaga-guna. <sup>19</sup> Mariaga tuki uyashkada shun-gubi huakichisha na kungarishallami, yuyin puriga. <sup>20</sup>

Michijkuna paiguna-mu parlashka shina tukida uyushka-mundash rikushka-mundash Diosta, "¡Jatun allimi gan-gui!" nisha vuelta-gaguna.

